

A morte perpétua,	libera.	Per mortem et sepultúram tuam,	libera.
A negléctu inspiratiónum tuárum,	libera.	Per resurrectionem tuam,	libera.
Per mystérium sanctæ incarna-	libera.	Per adscensionem tuam,	libera.
tionis tuæ,	libera.	Per gáudia tua,	libera.
Per nativitátem tuam,	libera.	Per glóriam tuam,	libera.
Per infántiam tuam,	libera.	Agnus Dei, qui tollis peccáta	
Per diviníssimam vitam tuam,	libera.	mundi: parce nobis, Jesu.	
Per labóres tuos,	libera.	Agnus Dei, qui tollis peccáta	
Per agoníam et passióem tuam,	libera.	mundi: exáudi nos, Jesu.	
Per crucem et derelictiόem tuam,	libera.	Agnus Dei, qui tollis peccáta	
Per languóres tuos,	libera.	mundi: miserére nobis, Jesu.	
		Jesu, audi nos.	
		Jesu, exáudi nos.	

Orémus.

Dómine Jesu Christe, qui dixísti: Pétite, et accipiétis; quáerite, et inveniétis; pulsáte, et aperiétur vobis: quæsumus, da nobis peténtibus diviníssimi tui amóris afféctum, ut te toto corde, ore et ópere diligámus, et a tua numquam laude cessemus.

Sancti Nóminis tui, Dómine, timórem páriter et amórem fac nos habére perpétuum: quia numquam tua gubernatióne destítuis, quos in soliditáte tuæ dilectiόnis instítuis. Per Dóminum nostrum Jesum Christum Filium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.



DE BENEDICTIONIBUS.

BENEDICTIONES NON RESERVATÆ.

Benedictio populi cum aqua benedicta
diebus Dominicis impertienda.

Sacerdos celebraturus, indutus pluviali coloris Officio convenientis, accedit ad Altare, et ibi ad gradus cum ministris genuflexus, etiam tempore paschali, accipit a Diacono adpersorium, et primo ter adspersit Altare, deinde se, et erectus ministros, incipiens Antiphonam: Adspérges me. Et Chorus prosequitur: Dómine hyssópo, etc. ut infra. Interim Celebrans adspersit Clerum, deinde populum, dicens submissa voce cum ministris Psalmum Miserére mei, Deus.




Antiphona. Ad - spér - ges me,

Dómine, hyssópo, et mundábor: lavábis me, et super nivem dealbábor.

Psalmus 50. Miserére mei Deus, secúndum magnam misericórdiam tuam. **V.** Glória Patri.

Et repetitur Antiphona: Adspérges me.

Hæc Antiphona prædicto modo dicitur ad adspersionem aquæ benedictæ in Dominicis per totum annum: excepta Dominica de Passione, et Dominica Palmarum, in quibus non dicitur Glória Patri; sed post Psalmum Miserére repetitur immediate Antiphona Adspérges me. Excepto etiam tempore Paschali, scilicet a Dominica Paschæ usque ad Pentecosten inclusive, quo tempore cantatur sequens



Antiphona. Vi - di a - quam

egrediéntem de templo, a látere dextro, allelúja: et omnes, ad quos pervénit aqua ista, salvi facti sunt, et dicent: allelúja, allelúja.

Psalmus 117. **C**onfitemini Dómino quóniam bonus: quóniam in sæculum misericórdia ejus.

V. Glória Patri.

Repetitur Antiphona: **Vidi aquam egrediéntem.**

In Dominica vero Trinitatis resumitur: **Adspérges me, Dómine.**

In die sancto Paschæ, et Pentecostes, ubi est fons Baptismalis, fit adpersio cum aqua pridie benedicta in fonte Baptismi, et ante infusionem Olei et Chrismatis accepta.

Finita Antiphona supradicto modo, Sacerdos qui adpersit aquam, reversus ad Altare, stans ante gradus Altaris junctis manibus, dicat:

V. Osténde nobis, Dómine, misericórdiam tuam. *Tempore Paschali additur: Allelúja.*

R. Et salutáre tuum da nobis.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Oratio.

Exáudi nos, Dómine sancte, Pater omnipotens, ætérne Deus: et mittere dignéris sanctum Angelum tuum de cœlis, qui custódiat, foveat, protégat, visitet, atque deféndat omnes habitántes in hoc habitáculo. Per Christum Dóminum nostrum.

R. Amen.

**Benedictio vini
in festo S. Joannis Evangelistæ.**

In festo S. Joannis Evangelistæ, expleta omnino Missa majore, hoc est post ultimum Evangelium, retentis omnibus paraméntis, excepto manipulo, vinum a populo oblatum, in memoriam et honorem S. Joannis, qui venenum innocue sumpsit, benedicitur hoc modo:

V. Adjutórium nostrum in nómine Dómini.

R. Qui fecit cœlum et terram.

V. Dómine, exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spírítu tuo.

Orémus.

Bene ✠ dicere et conse ✠ crare dignéris, Dómine Deus, déxtera tua hunc cálicem vini, et cujúslibet potus: et præsta; ut per mérita sancti Joánnis Apóstoli et Evangelistæ, omnes in te credétes et de cálice isto bibétes benedicántur, et protegántur. Et sicut beátus Joánes de cálice bibens venénum, illæsus omnino permánsit, ita omnes, hac die in honórem beáti Joánnis de cálice isto bibétes, méritis ipsius ab omni ægritúdine venéni, et nóxiis quibúsvis absolvántur, et córpore ac ánima se offerétes, ab omni culpa liberétes. Per Christum Dóminum nostrum.

R. Amen.

Béne ✠ dic, Dómine, hanc creatúram potus: ut sit remédium salutáre ómnibus suméntibus: et præsta per invocatióem sancti nóminis tui; ut quicúmque ex eo gustáverint, tam animæ quam córporis sanitátem te donánte percípiant. Per Christum Dóminum nostrum. **R.** Amen.

Concludendo:

Et benedictio Dei omnipoténtis, Pa ✠ tris, et Fí ✠ lii, et Spírítus ✠ sancti, descéndat super hanc creatúram vini, et cujúslibet potus, et máneat semper. Amen.

Postremo aqua benedicta adspérgat.

✠ Quod si benedictio illa fiat privatim extra Missam, Sacerdos, superpelliceo et stola indutus, eam conficiat modo superius tradito.

Alia benedictio vini
in festo S. Joannis Apostoli et Evangelistæ.

Approbata pro Archidiocesi Coloniensi.

In fine Missæ post Evangelium sancti Joannis, scilicet **In principio, dicitur:**



Dominus regit me, et nihil mihi déerit: * in loco páscuæ ibi me collocávit.

Super aquam refectiónis educávit me: * ánimam meam convertit.

Dedúxit me super sémitas justitiæ, * propter nomen suum.

Nam et si ambulávero in médio umbræ mortis, non timébo mala: * quóniam tu mecum es.

Psalmus 22.

Virga tua, et báculo tuus: * ipsa me consoláta sunt.

Parásti in conspéctu meo mensam, * advérsus eos, qui tribulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me: * ómnibus diébus vitæ meæ:

Et ut inhábitem in domo Dómini, * in longitudinem diérum.

Gloria Patri.

Kýrie eléison. Christe eléison. Kýrie eléison.
Pater noster. secreto.

V. Et ne nos indúcas in tentatiónem.

R. Sed libera nos a malo.

V. Salvos fac servos tuos.

R. Deus meus, sperántes in te.

V. Mitte eis, Dómine, auxiliúm de sancto.

R. Et de Sion tuére eos.

V. Nihil proficiat inimícus in eis.

R. Et filius iniquitátis non appónat nocére eis.

V. Et si mortíferum quid bíberint.

R. Non eis nocébit.

V. Dómine, exaúdi oratiónem meam.

R. Et clamor meus ad te véniat.

Orémus.

Oratio.

Dómine sancte, Pater omnípotens, ætérne Deus: qui Fílium tuum tibi coætérnum et consubstan-

tiálem de cœlis descéndere, et de sacratíssima Virgine María in hoc témpore plenitúdinis incarnári temporáliter voluísti, ut ovem pérditam et errántem quæreret, et in húmeris própriis ad ovíle reportáret; nec non ut eum, qui in latrónes incidit, a vúlnerum suórum dolóre, infúndens ipsi vinum et óleum, curáret; béne ✠ dic et sancti ✠ fica hoc vinum: quod de vite in potum hóminum produxísti, et præsta: ut quisquis in hac sacra solemnitate de eo sumpserit vel bíberit, salutem ánimæ et corpóris consequátur: et si in peregrinatóne fúerit, ab eódem, tua grátia mediánte, confortétur; ut via ejus in omni prosperitate dirigátur. Per eúndem Dóminum.

Alia Oratio.

Dómine Jesu Christe, qui te vitem veram, et sanctos Apóstolos tuos pálmites appellári, et de ómnibus, te diligéntibus vineam eléctam plantáre voluísti; béne ✠ dic hoc vinum, et virtútem ei tuæ benedictiónis infúnde: ut quicumque ex eo sumpserit vel bíberit, intercedénte dilécto discípulo tuo Joánne Apóstolo et Evangelísta, singulis morbis et venénis pestíferis effugátis, sanitátem inde corpóris et ánimæ consequátur. Qui vivis.

Alia Oratio.

Deus, qui humáno géneri panem in cibum, et vinum in potum procreásti, ut panis corpus confortet, et vinum cor hóminis lætíficet; quique beáto Joánni prædilécto discípulo tuo tantam grátiam contulísti, ut non solum haustum venéni illæsus eváderet, sed étiam in tua virtúte venéno prostrátos a morte resuscitáret: præsta ómnibus hoc vinum bibéntibus, ut spirituálem lætítiam et vitam cónsequi mereántur ætérnam. Per Dóminum nostrum Jesum Christum. **R.** Amen.

Benedictio auri, myrrhæ et thuris
in die Epiphaniæ.

V. Adjutorium nostrum in nomine Domini.

R. Qui fecit cœlum et terram.

V. Dominus vobiscum.

R. Et cum spiritu tuo.

Orémus.

Suscipe, sancte Pater, a me indigno famulo tuo hæc mûnera, quæ in honorem nominis tui sancti, et in titulum omnipotentiae tuæ majestatis, humiliter tibi offero; sicut suscepisti sacrificium Abel justi, et sicut eadem mûnera a tribus Magis tibi quondam offerentibus suscepisti.

Exorcizo te, creatura auri, myrrhæ et thuris, per Patrem ✠ omnipotentem, per Jesum Christum ✠ Filium ejus unigenitum, et per Spiritum sanctum ✠ Paraclitum: ut a te discadat omnis fraus, dolus, et nequitia diaboli, et sis remedium salutare humano generi contra insidias inimici; et quicumque divino freti auxilio te in suis loculis, domibus, aut circa se habuerint, per virtutem et merita Domini et Salvatoris nostri, ac intercessionem ejus sanctissimæ Genitricis et Virginis Mariæ, ac eorum, qui hodie similibus munèribus Christum Dominum venerati sunt, omniumque Sanctorum, ab omnibus periculis animæ et corporis liberentur, et bonis omnibus perfrui mereantur. *R.* Amen.

Deus invisibilis et interminabilis, pietatem tuam per sanctum et tremendum Filii tui nomen, suppliciter deprecamur: ut in hanc creaturam auri, thuris, myrrhæ bene ✠ dictionem ac operationem tuæ virtutis infundas: ut qui ea penes se habuerint, ab omni ægritudinis et læsionis incursu tuti

sint; et omnes morbos corporis et animæ effugiant, nullum dominetur eis periculum, et læti, ac incolumes tibi in Ecclesia tua deserviant: qui in Trinitate perfecta vivis et regnas Deus per omnia sæcula sæculorum. *R.* Amen.

Postea adspargantur aqua benedicta.

Et benedictio Dei omnipotentis, Pa ✠ tris, et Fi ✠ lii, et Spiritus ✠ sancti, descendat super hanc creaturam auri, thuris et myrrhæ, et maneat semper. *R.* Amen.

Benedictio cretæ
in festo Epiphaniæ.

Bene ✠ dic, Domine Deus, creaturam istam cretæ: ut sit salutaris humano generi; et præsta per invocationem nominis tui sanctissimi, ut quicumque ex ea sumpserint, vel in ea in domus suæ portis scripserint nomina sanctorum tuorum Gaspari, Melchioris et Baltassar, per eorum intercessionem et merita, corporis sanitatem et animæ tutelam percipiant. Per Christum Dominum nostrum. *R.* Amen.

Adspargatur aqua benedicta.

Benedictio domorum
in festo Epiphaniæ.

In ingressu: *V.* Pax huic domui.

R. Et omnibus habitantibus in ea.

Antiphona. Ab Oriente venerunt Magi in Bethlehẽm, adorare Dominum: et apertis thesauris suis pretiosa mûnera obtulerunt, aurum Regi magno, thus Deo vero, myrrham sepulturæ ejus. Allelûja.

Canticum Beatæ Mariæ Virginis. Luc. cap. I. v. 46.



Magnificat * ánima mea Dóminum.

Et exsultávit spíritus meus * in Deo salutári meo.

Quia respéxit humilitátem ancillæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * tíméntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede: * et exaltávit húmiles.

Esuriéntes implévit bonis: * et dívites dimísit inánes.

Suscépit Israël púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Glória Patri.

Interea adspergitur, et incensatur domus, et in fine repetitur Antiphona: **Ab Oriénte venérunt, etc.**

Pater noster, etc. *secreto.*

V. Et ne nos indúcas in tentatiónem.

R. Sed líbera nos a malo.

V. Omnes de Saba vénient.

R. Aurum et thus deferéntes.

V. Dómine, exaúdi oratiónem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Deus, qui hodiérna dié Unigénitum tuum géntibus stella duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitudinis perducámur. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum.

R. Amen.

Responsorium: Illumináre, illumináre Jerúsalem, quia venit lux tua: et glória Dómini super te orta est, Jesus Christus ex Mariá Vírgine.

V. Et ambulábunt gentes in lúmine tuo: et reges in splendóre ortus tui.

R. Et glória Dómini super te orta est.

Orémus.

Béne ✠ dic, Dómine Deus omnípotens, locum istum (*vel* domum istam): ut sit in eo (*vel* in ea) sánitas, cástitas, victóriæ virtus, humílitas, bóntas et mansuetúdo, plenitúdo legis, et gratiárum áctio Deo Patri, et Fílio, et Spíritui sancto; et hæc benedictio máneat super hunc locum (*vel* super hanc domum), et super habitántes in eo (*vel* in ea). Per Christum Dóminum nostrum. **R.** Amen.

Benedictio candelarum

in festo S. Blasii Episcopi et Martyris.

V. Adjutórium nostrum in nómine Dómini.

R. Qui fecit cœlum et terram.

V. Dómine, exaúdi oratiónem meam.

R. Et clamor meus ad te véniat.

V. Dóminus vobíscum. **R.** Et cum spíritu tuo.

Orémus.

Omnípotens et mitíssime Deus, qui ómnium mundi rerum diversitátes solo Verbo creásti, et ad hóminum reformatiónem illud idem Verbum, per quod facta sunt ómnia, incarnári voluísti: qui magnus es, et imménsus, terríbilis atque laudábilis, ac fáciens mirábilia: pro cujus fidei confessiône gloriósus Martyr et Póntifex Blásius, diversórum tormentórum génera non pavéscens, mártýrii palmam feliciter est adéptus: quique eidem, inter céteras grátias, hanc prærogatívam contulísti, ut quoscúmque gútturis morbos tua virtúte curáret; majestátem tuam suppliciter exorámus, ut non inspéctu reátus nostri, sed ejus placátus méritis et